



Մ Ա Յ Ր Ա Թ Ո Ռ Ո Ւ Մ

Հուլիսի 2-ին, կիրակի: Մայր տաճարում
ս. պատարագ է մատուցում տ. Մուշեղ վրդ.
Պետիկյանը:

Ս. պատարագին ներկա է լինում Վեհա-
փառ Հայրապետը:

• •

Հուլիսի 9-ին, կիրակի.—Վարդավառ:
Պայծառակերպություն Տեառն մերոյ Յիսու-
սի Քրիստոսի.

Օրվա մեծ տոնի առիթով Մայր տաճարում
ս. պատարագ է մատուցում տ. Մասիս ա-
րեղյա Գալստյանը: «Հայր մեր»-ից սուաջ
քարոզում է Վեհափառ Հայրապետը Քրիս-
տոսի պայծառակերպության հոգևոր ու քա-
րոյական մեծ նշանակության մասին, ինչ-
պես մարդկային ազգի պատմության, այն-
պես էլ յուրաքանչյուր հավատացյալի կյան-
քի մեջ:

• •

**Հուլիսի 10-ին, երկուշաբթի.—Հիշատակ
մեռելոց:**

Մայր տաճարում ս. պատարագ է մատու-
ցում տ. Նշան քհն. Բեյլերյանը:

Հավարտ ս. պատարագի կատարվում է
հոգեհանգստյան արարողություն «Վասն
համօրէն ննջեցելոց»:

• •

Հուլիսի 11-ին, երեքշաբթի: Այսօր երեկո-
յան ժամը 19-ին Վեհափառ Հայրապետի
նախագահությամբ Վեհարանում գումար-
վում է Գերագույն Հոգևոր խորհրդի հերթա-
կան նիստը:

• •

Հուլիսի 16-ին, կիրակի: Այսօր Մայր տա-
ճարում ս. պատարագ է մատուցում տ. Հով-
հաննես քհն. Մարտիրյանը:

Ս. պատարագին ներկա է լինում Վեհա-
փառ Հայրապետը:

• •

Հուլիսի 23-ին, կիրակի: Մայր տաճարում
ս. պատարագ է մատուցում տ. Նշան քհն.
Բեյլերյանը:

Ս. պատարագին ներկա է լինում Վեհա-
փառ Հայրապետը:

• •

Այսօր ուխտավորաբար Մայր Աթոռ է
ժամանում Երուսաղեմի Սրբոց Հակոբյանց
վանքի միաբան, դիվանապետ և ժառան-
գավորաց վարժարանի տեսուչ տ. Ծաֆե և-

պիսկոպոս Աճեմյանը: Նա, մայր տաճարում
իր ուխտն ու ստորքը կատարելուց հետո,
Վեհարանում աջհամբույրով ստանում է
Հայոց Հայրապետի օրհնությունը:

• •

Հուլիսի 30-ին, կիրակի: Մայր տաճարում
ս. պատարագ է մատուցում, ուխտավորա-
քար Մայր Աթոռում գտնվող, ԱՄՆ-ի
Սպրինգֆիլդ քաղաքի հայոց հոգևոր հովիվ
տ. Ներսես քհն. Շեպեջյանը և քարոզում
Մայր Աթոռ ս. Էջմիածնից և մայր հայրենի-
քից ստացած իր տպավորությունների մա-
սին, հաղորդելով նաև իր համայնքի ող-
ջույնները Մայր Աթոռի միաբանությանը:

Հավարտ ս. պատարագի ս. հաղորդու-
թյուն են ստանում ուխտավորաքար Մայր
Աթոռում գտնվող ԱՄՆ-ի հայոց եկեղեցու
Երիտասարդաց կազմակերպության 20—25
անդամ-անդամուհիներ, որոնք տ. Ներսես
քհն. Շեպեջյանի գլխավորությամբ ժամանել
էին Մայր Աթոռ և հայրենիք:

• •

Նույն օրը տ. Ծախե եպս. Աճեմյանը հրա-
ժեշտ է առնում Վեհափառ Հայրապետից և
վերադառնում իր պաշտոնատեղին՝ Երու-
սաղեմ, Սրբոց Հակոբյանց վանք:

